

中國方志叢書·華北地方·第三五三號

據

清咸豐十年刊本
清咸豐十年刊本撰

影印

山東省

濱州志



50.09/06
成文出版社有限公司印行



10098520

中國方志叢書·華北地方·第二五三號


據

清咸豐十年刊本
清李熙齡撰

影印

山東省

濱州志



成文出版社有限公司印行



10098521

中華民國六十五年 月臺一版

濱州志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

濱州舊志序

古者侯國必有史官今之郡猶古侯國也邇來
官闕焉博文之士紀其事而傳之曰志是後賢
史之翼也故志曰賦而知公歛之厚薄志物產
而知土壤之肥磽志宦跡而知吏治之隆污志
人物而知士習之淳正風俗之澆淳紀實彰軌
考古鏡今君子通變以酌其宜小人法守以修
其業不出書契而治可興矣志弗修則事靡據

微顯闡幽之教晦而彰善癉惡之權輕由是善
政無所於稽而注厝閭鄉評不足爲勸而趨向
偷政忒風漓職此爲疾然則志非時之先務耶
余承乏來州卽首詢故牒冀有所資鑑而盈縮
整頓之也顧疎脫夢繆漫無全書諸凡有關政
理者皆畧而不悉乃日歷訪搜先年舊牘如
田賦丁徭之類當時如何而舉後來如何而敝
利有端緒可尋庶得其一二參以時勢爲之圖

酌次第施行之甫及期諸亦稍稍就理而郡志
獨闕則後之視今又不猶今之視昔耶迺因郡
倅胡君格誠之請督學憲公始下其狀於州於
是敦延博士毛君似徐主其事據文獻之僅存
酌土俗之所習而又採覈於士林諸彥考正於
鄉薦紳大夫日刪月削越數月而告成焉爲卷
凡若干條例凡若干詳而則要而約辯博而核
庶幾哉足爲一郡之完書也後之蒞斯土者其

有所稽而運其轉移化導之術生斯土者其有
所範而鼓其迅勵丕變之機由是上無紕政下
有淳風而不佞亦可藉手以寡過矣因其梓成
附著數語於篇端使覽者知志之所由成云
萬曆十一年歲癸未冬十一月晦日知濱州事

臨川艾梅識

賓州舊志後序

賓州舊志二奉安間一梓傳簡止五六十葉一筆
記幾百葉皆出自張少司徒家藏久未遂所矢
就因以托胡使君使君復及余余乃呈太守艾
公又轉授之余增帙若干廼公亟命肆所所徵
於諸生者以其命命之於衆說同異撮其梗要
請裁於公公郢之錯綜參伍且告於薦紳先生
曰是志也設餼材卽所捐俸焉嗟乎文獻不足

史無闕疑孔子並憐之而今而後吾知免夫不
然前無所據後不足徵濱雖郁郁乎文如斯而
已

訓導萊人毛似徐識

重修濱州志序

濱州舊有志久矣然多不令
體裁且修自康熙四十四年
迄今百五十五載尚未修茲
將何以信今而傳後予於戊

時仲夏奉

命來守武郡公暇重修郡志乃

歷百年未修者經年餘告

成復取州志而修輯之損

者損增者增越數月不覺

已有成稿矣致濱州代出人
物自元有解侍讀學士韓御
史中丞至明有張薛二為書
王氏二巡撫而杜氏尤多賢
一甘肅巡撫一湖廣藩司一

河南參政已赫，乎盛矣。迨
奉朝賢哲挺生，則更稱極盛
焉。文端公文正公橋梓迭
興，一官至吏部侍郎，一官
至協辦大學士，而後嗣昆

仲繼起一任戶部侍郎一
任工部侍郎蒸馬將以
紹前徽一門之盛甲於天
下殆所謂地靈人傑者與
茲志既成即郵寄京師呈

一侍郎鑒正後再付梓人
 爰書跋語而為之序

咸豐十年庚申歲夏五

禮日

必進士出身

誥授朝議大夫山東知武定府

江右李望齡撰



